

# Билгтә эрдмтә багъчуд

Яшкульск района центрт бәәх клубин художественн самодеятельность сәәнәр кәдлжәнә. Эн коллективд хальмг болн орс кәвүд-күүкд орлццхана. Багъчудин үзүлсн концертд ганцхн района центрин әмтс бәәтхә, бас өөр шидр бәәх фермсин, хөөнә кошин багъчуд ирцхәнә.

Хулдач Алга Опуев, тракторист Очр Опуев — ах-дү хойр „Өрүн гарсн нарн“ гидг частушк йир сәәнәр дуулцхав. „Кировский“ совхозин кәдлмшчнр Манджиев И., Зулаев А., столовин кәдләч Гаряева В., почт зөбдг Арстиева Е., Дол-

гаева З. би биилцхәнә.

Домбрч Мудаева Төвкә цуг-айсиг сәәнәр джинънүлдж цокна.

Шүлг умшачнр „Ачта Ленин“, „Элстән хәйсн бичг“, „Иньгин седкл“ болн нань чигн шүлгүд умшцхана.

Опуев Алга „Джанъгъриг“ келн дуулна.

Үр Репкина татсн гармония айс дахад, Кабанов Е. орс кесг ду дуулв.

Багъчудин тәвсн концерт үзсн улс цугъар эднд ханлт өргцхәнә.

ТУМУДОВ.